

# UPUTSTVO O NAČINU UPISA U CENTRALNI REGISTAR REGISTROVANIH ODNOSNO ODOBRENIH OBJEKATA ZA PROIZVODNJU, PRERADU I DISTRIBUCIJU HRANE

## PROCEDURE ZA REGISTRACIJU

Subjekt u poslovanju hranom dužan je da prije otpočinjanja obavljanja djelatnosti u objektu koji podliježe **Registraciji** podnese zahtjev za registraciju objekta Upravi za bezbjednost hrane, veterinu i fitosanitarne poslove. Procedure načina upisa registrovanih objekata opisane su u **dijelu I. NAČIN UPISA REGISTROVANIH OBJEKATA ZA PROIZVODNJU, PRERADU I DISTRIBUCIJU HRANE U REGISTAR REGISTROVANIH OBJEKATA**

## PROCEDURE ZA ODOBRAVANJE

Subjekt u poslovanju hranom dužan je da prije otpočinjanja obavljanja djelatnosti u objektu koji podliježe **Odobravanju** podnese zahtjev za odobravanje objekta Upravi za bezbjednost hrane i fitosanitarne poslove. Procedure načina upisa odobrenih objekata opisane su u **dijelu II. NAČIN UPISA ODOBRENIH OBJEKATA ZA PROIZVODNJU, PRERADU I DISTRIBUCIJU HRANE U REGISTAR ODOBRENIH OBJEKATA**.

### DIO I. NAČIN UPISA REGISTROVANIH OBJEKATA ZA PROIZVODNJU, PRERADU I DISTRIBUCIJU HRANE U REGISTAR REGISTROVANIH OBJEKATA

**A.** Registracija objekata u kojima se obavljaju djelatnosti proizvodnje, prerade i distribucije hrane vrši se na osnovu zahtjeva subjekta u poslovanju hranom.

**B. DJELATNOSTI KOJI PODLIJEŽU REGISTRACIJI SU:**

**2.1 Objekti u kojima se obavlja djelatnost primarne proizvodnje hrane:**

- 1) Objekti za:
  - proizvodnju i pakovanje jaja, kokoški, prepelica i ostale živine;
  - proizvodnju, punjenje i/ili pakovanje meda i pčelinjih proizvoda;
  - proizvodnju sirovog mlijeka.
- 2) objekti u kojima se sakuplja sirovo mlijeko sa više gazdinstava za potrebe jednog objekta za preradu mlijeka (sabirni centar);
- 3) uzgajališta školjki;
- 4) ribnjaci /uzgajališta ribe;
- 5) brodovi, osim broda hladnjače i broda fabrike;
- 6) uzgajališta puževa; i
- 7) drugi objekti u kojima se obavlja djelatnost primarne proizvodnje hrane, uključujući samoniklo bilje.

**2.2 Objekti u kojima se obavljaju djelatnosti proizvodnje, prerade i distribucije hrane, nakon primarne proizvodnje koji podliježu registraciji su objekti za:**

- 1) prodaju na malo hrane krajnjem potrošaču (trgovine na malo, apoteke i druge specijalizovane prodavnice, ugostiteljski objekti i tržnice/pijace);
- 2) prodaju na veliko hrane /skladištenje hrane/ distributivni centri (sa ili bez temperaturnog režima);
- 3) proizvodnju i/ili preradu i/ili pakovanje malih količina primarnih proizvoda životinjskog i/ili neživotinjskog porijekla na porodičnom poljoprivrednom gazdinstvu.

C. Zahtjev za registraciju objekta za proizvodnju, preradu i distribuciju hrane podnosi se na [Obrascu 1](#).

D. Uz zahtjev se obavezno prilaže sljedeća dokumentacija:

- 1) rješenje/izvod iz Centralnog registra privrednih subjekata, odnosno Registra poljoprivrednih gazdinstava;
- 2) dokaz o svojini (list nepokretnosti) ili ugovor o zakupu za objekat, zemljište-gazdinstvo;
- 3) skica objekta sa rasporedom prostorija, opreme, prijema i kretanja sirovina i gotovih proizvoda;
- 4) opis tehnoloških postupaka koji se sprovode u proizvodnji, obradi, preradi, pakovanju, skladištenju, transportu i distribuciji (za poljoprivredna gazdinstva za proizvodnju i prodaju hrane);
- 5) dozvola za marikulturu ili akvakulturu (za uzgoj ribe, školjki i drugih proizvoda);
- 6) dozvola za privredni ribolov (za ribolovne plovne objekte);
- 7) rješenje o korišćenju morskog dobra za objekte koji se nalaze u zoni morskog dobra;
- 8) dokaz o uplati administrativne takse po Zakonu o administrativnim taksama ("Sl. list CG", br. 18/2019).

E. Visina administrativne takse za izdavanje rješenja za objekte koji se registruju iznosi:

- a) registracija objekta za proizvodnju, preradu i distribuciju hrane iz tačke B, podtačka 2.1. (**Objekti u kojima se obavlja djelatnost primarne proizvodnje hrane**).....**30,00€**;
- b) registracija objekta za proizvodnju, preradu i distribuciju hrane iz tačke B, podtačka 2.2 (**Objekti u kojima se obavljaju djelatnosti proizvodnje, prerade i distribucije hrane, nakon primarne proizvodnje**).....**50,00€**, osim za objekte za proizvodnju i/ili preradu i/ili pakovanje malih količina primarnih proizvoda životinjskog i/ili neživotinjskog porijekla (jaja, sirovo mlijeko (uključujući i proizvode od mlijeka), med, voće, povrće, žitarice i prerađeni proizvodi od voća, povrća i žitarica, uključuju i pečurke i samoniklo bilje) proizvedenih isključivo na sopstvenom porodičnom poljoprivrednom gazdinstvu.....**30,00€**.

Visina administrativne takse za prijavljivanje promjena koje ne zahtjevaju neposredan pregled.....**10,00€**.

Visina administrativne takse za rješenje o brisanju iz registra ..... **5,00€**.

**Svrha uplate:** Upis u Registar registrovanih objekata za hranu

**Broj žiro računa:** 832-3161422-09

**Primalac:** Uprava za bezbjednost hrane, veterinu i fitosanitarne poslove

Zahtjevi se dostavljaju poštom ili lično na adresu:

**UPRAVA ZA BEZBJEDNOST HRANE, VETERINU I FITOSANITARNE POSLOVE SEKTOR ZA  
BEZBJEDNOST HRANE  
Bulevar Srdara Jola Piletića br.26  
81000 Podgorica**

## **DIO II. NAČIN UPISA ODOBRENIH OBJEKATA ZA PROIZVODNJU, PRERADU I DISTRIBUCIJU HRANE U REGISTAR ODOBRENIH OBJEKATA**

**A.** Odobravanje objekata u kojima se obavlja djelatnost proizvodnje, prerade i distribucije hrane vrši se na osnovu zahtjeva subjekta u poslovanju hranom.

**B. DJELATNOSTI KOJE PODLIJEŽU ODOBRAVANJU SU:**

**2.1. Objekti u kojima se obavljaju djelatnosti proizvodnje, prerade i distribucije hrane životinjskog porijekla:**

- 1) klanje i rasijecanje mesa papkara i kopitara;
- 2) klanje i rasijecanje mesa živine i lagomorfa;
- 3) klanje i rasijecanje mesa divljači iz uzgoja;
- 4) rukovanje i rasijecanje divljači;
- 5) proizvodnju mljevenog mesa, mesnih prerađevina i mehanički odvojenog mesa (MOM);
- 6) preradu mesa;
- 7) žive školjke:
  - otpremni centar;
  - centar za prečišćavanje.
- 8) proizvode ribarstva:
  - brod hladnjača;
  - brod fabrika;
  - skladištenje na kopnu nakon iskrcaja i čuvanje na odgovarajućoj temperaturi (svježi proizvodi ribarstava);
  - prerada proizvoda ribarstva;
  - prodaja na veliko proizvoda ribarstva;
  - licitacija proizvoda ribarstva.
- 9) sirovo mlijeko, kolostrum i proizvodi od mlijeka i kolostruma:
  - sakupljanje sirovog mlijeka sa više poljoprivrednih gazdinstava za potrebe više od jednog objekta za preradu mlijeka (sakupljanje / sabirni centar);
  - prerada mlijeka i kolostruma.
- 10) jaja i proizvode od jaja:
  - pakovanje (centri za pakovanje);
  - prerada;
  - tečna jaja.
- 11) žablje batak i puževe:
  - prerada (obrada i priprema za ishranu ljudi).
- 12) topljenu životinjsku mast i čvarke:
  - sakupljanje sirovina;
  - prerada i proizvodnja topljenih masti i čvaraka.
- 13) obradu želudaca, bešika i crijeva;
- 14) proizvodnju želatina;
- 15) proizvodnju kolagena;
- 16) punjenje i/ili pakovanje meda i pčelinjih proizvoda;
- 17) skladištenje / prodaju na veliko hrane životinjskog porijekla u uslovima kontrolisane temperature (samostalno);
- 18) pakovanje/prepakivanje, skladištenje i prodaju na veliko hrane životinjskog porijekla;
- 19) narezivanje, pakovanje, skladištenje i prodaju na veliko hrane životinjskog porijekla.

**2.2. Objekti u kojima se obavljaju djelatnosti proizvodnje, prerade i distribucije hrane neživotinjskog porijekla:**

- 1) proizvodnja alkohola i/ili nealkoholnih pića;
- 2) proizvodnja vina;
- 3) proizvodnja piva;
- 4) proizvodnja ulja;
- 5) proizvodnja brašna i soli;
- 6) proizvodnja konditorskih proizvoda;
- 7) proizvodnja sladoleda (prodaja drugim subjektima);
- 8) proizvodnja/sakupljanje/obrada/flaširanje prirodne mineralne vode i izvorske vode;
- 9) prerada voća i/ili povrća i/ili pečurki i/ili aromatičnog bilja;
- 10) proizvodnja hleba, peciva i kolača (prodaja drugim subjektima).
- 11) pakovanje/prepakivanje, skladištenje i prodaja na veliko hrane neživotinjskog porijekla;
- 12) narezivanje, pakovanje, skladištenje i prodaja na veliko hrane neživotinjskog porijekla.

- C. Zahtjev za odobravanje objekta za proizvodnju, preradu i distribuciju hrane **životinjskog** porijekla iz tačke 2.1. podnosi se na [Obrascu 2 \(A\)](#).
- D. Zahtjev za odobravanje objekta za proizvodnju, preradu i distribuciju hrane **neživotinjskog** porijekla iz tačke 2.2. podnosi se na [Obrascu 2 \(B\)](#).
- E. Objekti iz tačke 2.1. i tačke 2.2. koji imaju mali obim proizvodnje, prerade i obrade hrane ili koji proizvode tradicionalne proizvode ili koriste tradicionalne metode proizvodnje podnose Zahtjev za odobravanje na Obrascu 2 (A) ili Obrascu 2 (B) i dodatno podnose popunjen [Obrazac 3](#).
- F. Uz zahtjev za odobravanje objekta se obavezno prilaže i sljedeća dokumentacija:
- 1) rjesenje/izvod iz Centralnog registra privrednih subjekata;
  - 2) dokaz o svojini (list nepokretnosti ili ugovor o zakupu);
  - 3) skica objekta sa ucrtanim prostorijama i prostorima za proizvodnju, opremom, točecim mjestima, opremom za pranje ruku/sterilizaciju, podnim odvodnim kanalima i sistemom kolosjeka prema potrebi, prostorijama za zaposlene (garderobe, toaleti, tuševi i vešernice) i ucrtanim putevima kretanja zaposlenih, sirovina i proizvoda uključujući i puteve kretanja otpada od hrane/nusproizvoda životinjskog porijekla – linije kretanja moraju biti obojene različitim bojama;
  - 4) spisak i namjena svih prostorija u objektu, njihove površine, zapremina i temperature svih prostorija za proizvodnju sa režimom kontrolisane temperature, ako je potrebno za tehnološki proces proizvodnje;
  - 5) spisak i namjena opreme i alata koji se koriste u objektu;
  - 6) opis svih djelatnosti koje se obavljaju u objektu odnosno opis postupka proizvodnje i dijagram toka za svaku proizvodnu liniju (specifikacija proizvoda);
  - 7) vrste proizvoda koji se proizvode/skladište u objektu;
  - 8) projektovani kapacitet proizvodnje/skladištenja izražen na dnevnom/mjesečnom/godišnjem nivou;
  - 9) broj zaposlenih lica koja rukuju hranom (na neodređeno i na određeno vrijeme);
  - 10) opis snabdjevanja vodom/kontrola vode;
  - 11) dokaz o uplati administrativne takse po Zakonu o administrativnim taksama ( "Sl. list CG", br. 18/2019).

**G.** Visina administrativne takse za izdavanje rješenja za objekte koji se odobravaju iznosi:

- a) odobravanje objekta za proizvodnju, preradu i distribuciju hrane **životinjskog** porijekla iz tačke B, podtačka 2.1. (**Objekti u kojima se obavljaju djelatnosti proizvodnje, prerade i distribucije hrane životinjskog porijekla**).....**100,00€**;
- b) odobravanje objekta za proizvodnju, preradu i distribuciju hrane **neživotinjskog** porijekla iz tačke B, podtačka 2.2. (**Objekti u kojima se obavljaju djelatnosti proizvodnje, prerade i distribucije hrane neživotinjskog porijekla**).....**100,00€**;
- c) odobravanje objekta iz tačke E, za proizvodnju, preradu i distribuciju hrane, koji imaju mali obim proizvodnje, prerade i obrade hrane **životinjskog i/ili neživotinjskog** porijekla ili koji proizvode tradicionalne proizvode ili koriste tradicionalne metode proizvodnje.....**50,00€**.

Visina administrativne takse za prijavljivanje promjena koje ne zahtjevaju neposredan pregled.....**10,00€**.

Visina administrativne takse za prijavljivanje promjena koje zahtjevaju neposredan pregled.....**50,00€**.

Visina administrativne takse za rješenje o brisanju iz registra ..... **5,00€**.

**Svrha uplate:** Upis u Registar odobrenih objekata za hranu

**Br. žiro računa:** 832-3161422-09

**Primalac:** Uprava za bezbjednost hrane, veterinu i fitosanitarne poslove

Zahtjevi se dostavljaju poštom ili lično na adresu:

**UPRAVA ZA BEZBJEDNOST HRANE, VETERINU I FITOSANITARNE POSLOVE SEKTOR ZA  
BEZBJEDNOST HRANE  
Bulevar Serdara Jola Piletića br.26  
81000 Podgorica**